

UGOVOR

o nabavci usluge osiguranja službenih motornih vozila

zaključen između:

USTAVNI SUD BOSNE I HERCEGOVINE, Džemaludina Čauševića 6, Sarajevo, koga zastupa predsjednik Ustavnog suda BiH, Mirsad Ćeman, (u daljem tekstu: Osiguranik)

i

„BOBAR OSIGURANJE“ a.d, Ul. Put života br. 12, Sarajevo koga zastupa Branimir Durić, v.d. direktor (u daljem tekstu: Osiguravač)

Član 1.

Predmet ovog ugovora je osiguranje službenih motornih vozila od automobilske odgovornosti (AO) i auto-kasko (AK) prema definisanim uslovima iz tenderske dokumentacije broj P3-83/16 od 11. februara 2016. godine i prema sadržaju ponude broj 112/16 od 19. februara 2016. godine sa kojom je Osiguravač učestvovao u provedenom postupku konkurentskog zahtjeva za dostavljanje ponuda i koja je sastavni dio ovog Ugovora.

Član 2.

Obaveze ugovornih strana regulisane su uvjetima koji su sastavni dio ovog ugovora i to:

- 1) Uslovi osiguranja od automobilske odgovornosti,
- 2) Uslovi za kasko osiguranje motornih vozila.

Član 3.

Osiguranik će prema svojim potrebama i mogućnostima ugovarati vrste osiguranja, obim i visinu pokrića, za vrijeme trajanja ovog ugovora.

Za prihvaćene vrste osiguranja ispostavljaće se police osiguranja prema ponudi iz člana 1. ovog ugovora.

Policama osiguranja se ugovaraju: početak i prestanak trajanja osiguranja, predmeti osiguranja, obim i visina pokrića i uslovi plaćanja premije, te ostale odredbe koje se odnose na prava i obaveze ugovornih strana u toj vrsti osiguranja.

Osiguranim se smatra samo ono što je navedeno u polici osiguranja, a što mora biti u skladu sa tenderskom dokumentacijom i prihvaćenom ponudom.

Član 4.

Ugovor se zaključuje na određeno vrijeme, za period trajanja osiguranja od 12 mjeseci, sa početkom primjene od 4. marta 2016. godine.

Član 5.

Sveukupna premija osiguranja od automobilske odgovornosti (AO) i premija za AUTOKASKO (AK) iz ponude iznosi ukupno 2.861,38 KM.

Premija osiguranja od automobilske odgovornosti (AO) i premija za AUTOKASKO (AK) će biti plaćene u cjelosti nakon ispostavljanja polica osiguranja i prijema računa.

Član 6.

Osiguranik će račune ovjerene od strane Osiguravača za usluge osiguranja platiti posredstvom jedinstvenog računa budžetskih institucija Bosne i Hercegovine, putem Ministarstva finansija i trezora BiH, u roku od 7 dana po prijemu fakture.

Osiguravač je saglasan da Osiguraniku neće zaračunavati kamate za zakašnjenje prilikom plaćanja preko Trezora, ako je Osiguranik u gore ugovorenom roku predao nalog za plaćanje Trezoru BiH.

Član 7.

Kada se dogodi osigurani slučaj, Osiguravač je dužan isplatiti naknadu iz osiguranja u roku od 15 dana od dana utvrđivanja visine štete.

Član 8.

Osiguravač se obavezuje da će čuvati tajnost podataka Osiguranika koji mu budu prezentirani prilikom ocjene i revizije rizika, prilikom zaključivanja polica osiguranja, rješavanja odštetnih zahtjeva kao i tajnost podataka koji budu uneseni u police osiguranja i njihove priloge.

Osiguranik se obavezuje da će čuvati tajnost podataka iz Tarifa premija i Uslova osiguranja Osiguravača, kao i uslove pod kojima je zaključio ovaj ugovor i police osiguranja, a naročito u odnosu prema drugim osiguravajućim društvima.

Član 9.

Sastavni dio ovog ugovora osim ponude navedene u članu 1. čine:

- uslovi osiguranja od automobilske odgovornosti,
- uslovi za kasko osiguranje motornih vozila,
- police osiguranja.

Član 10.

Na odnose između ugovornih strana koji nisu uređeni ovim ugovorom primjenjuju se odredbe Zakona o obligacionim odnosima.

Član 11.

Sve eventualne sporove ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


Član 12.

Ovaj ugovor stupa na snagu danom potpisivanja od obje ugovorne strane, sa početkom primjene od 4. marta 2016. godine.

Član 13.


Ovaj ugovor je sačinjen u četiri (4) istovjetna primjerka od kojih svaka strana zadržava po dva (2) primjerka.

Za Osiguravača



Broj: 151/16

Datum: 08.03.2016.



Broj: P3-83/16-II

Datum: 04.03.2016.